

ՄԻԱՄՆԱԿԱՆ ՔՆՆՈՒԹՅՈՒՆ

2019

ԱՇԽԱՐՀԱԳՐՈՒԹՅՈՒՆ

ԹԵՍՏ 3

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: ***Թեստ-գրքույկը չի ստուգվում: Ստուգվում է միայն պատասխանների ձևաթուղթը:***


Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

1

Նկարում մթնոլորտի ո՞ր շերտն է նշված *Գ* տառով.

- 1) արտաքին ոլորտը
- 2) ջերմոլորտը
- 3) ներքնոլորտը
- 4) վերնոլորտը



2


Ո՞րն է ամենափոքր մասշտաբը.

- 1) 1 : 420 000
- 2) 1 : 4 200 000
- 3) 1 : 4 200
- 4) 1 : 42 000

3

Նկարում *Դ* կետի ազիմուտը հավասար է.

- 1) 45°
- 2) 315°
- 3) 225°
- 4) 135°



4

Հարավային բևեռային շրջագծի վրա բևեռային գիշեր լինում է.

- 1) սեպտեմբերի 23-ին
- 2) դեկտեմբերի 22-ին
- 3) մարտի 21-ին
- 4) հունիսի 22-ին

5

Ո՞ր պնդումն է սխալ.

- 1) Քամիներն առաջացնում են ծովային հոսանքներ:
- 2) Քամիներն առաջացնում են ցունամիներ:
- 3) Քամիներն առաջացնում են ավազաբլուրներ:
- 4) Քամու միջոցով ստացվում է էլեկտրական էներգիա:

6

Ըստ բարձրության օդի ջերմաստիճանը նվազում է, որովհետև.

- 1) օդը տաքանում է Երկրի մակերևույթից
- 2) մեծանում է օդի խտությունը
- 3) մոտենում ենք սառցադաշտերին
- 4) մոտենում ենք օզոնի շերտին

7

Գիշերվա և ցերեկվա, տարվա եղանակների, մակընթացության, տեղատվության հերթափոխը, գեյզերների պարբերական ժայթքումը բնութագրում են աշխարհագրական թաղանթի.

- 1) կլիմայի չոր, խիստ ցամաքայնությունը
- 2) գոտիականությունը և զոնայականությունը
- 3) միասնականությունը
- 4) երևույթների ռիթմիկությունը

8


Որքա՞ն է Արեգակի ճառագայթների անկման անկյան տարբերությունը Հայկական լեռնաշխարհի հյուսիսային (հս.լ. $42^{\circ}10'$) և հարավային (հս.լ. $37^{\circ}20'$) ծայրակետերի միջև.

- 1) 15°
- 2) $5^{\circ} 40'$
- 3) $9^{\circ} 30'$
- 4) $4^{\circ} 50'$

9

Նկարում տրված քարտեզը կազմելու համար ի՞նչ պրոյեկցիա է կիրառվել:


- 1) ազիմուտային
- 2) կոնային
- 3) հասարակածային
- 4) գլանային



10

Ըստ նկարի՝ ի՞նչ եղանակ է հյուսիսային կիսագնդում.

- 1) Աշուն
- 2) ձմեռ
- 3) գարուն
- 4) ամառ



11

«Լիճ - սնվող գետ» գույգերից ո՞րն է ճիշտ.

- 1) Թանա — Կապույտ Նեղոս
- 2) Վիկտորիա — Զամբեզի
- 3) Նյասա — Կոնգո
- 4) Տանգանիկա — Սպիտակ Նեղոս

12

Ի՞նչը բնորոշ է արկտիկական (անտարկտիկական) օդային զանգվածներին.

- 1) բնորոշվում են փոքր խոնավությամբ և մեծ թափանցիկությամբ
- 2) բաժանվում են տաք և ցուրտ տարատեսակների
- 3) ձևավորվում են Արկտիկայի, Անտարկտիդայի և հարակից կղզիների վրա
- 4) բնորոշվում են ցածր ջերմաստիճանով

13

Բնութագրումով որոշել թերակղզին.

Այս թերակղզին Եվրասիայի հարավային մասում է: Աչքի է ընկնում սավաննային հարուստ բուսականությամբ ու կենդանական աշխարհով: Արևմուտքից ավերը ողողում է Անդամանյան ծովը, իսկ արևելքից՝ Հարավչինական ծովը: Ո՞ր թերակղզին է.

- 1) Հնդկաչին
- 2) Կորեական
- 3) Արաբական
- 4) Հինդուստան

14

Ո՞ր պնդումն է ճիշտ.

- 1) Լեռնահովտային քամիներն առաջանում են մայրցամաքների և օվկիանոսների միջև:
- 2) Պասսատները հասարակածից դեպի արևադարձեր փչող քամիներն են:
- 3) Գիշերային բրիզը փչում է ջրից դեպի ցամաք և առաջացնում է զովություն:
- 4) Պասսատները մշտապես փչում են նույն ուղղությամբ:

15

Ո՞ր պնդումն է ճիշտ.

- 1) Մթնոլորտային բարձր ճնշման գոտիներում առատ տեղումներ են թափվում:
- 2) Արեգակից ստացվող ջերմությունը Երկրի վրա բաշխված է հավասարաչափ:
- 3) Արևադարձային լայնություններում հաստատվում է ցածր ճնշում:
- 4) Որքան փոքր է Արեգակի ճառագայթների անկման անկյունը, այնքան Երկրի մակերևույթը քիչ ջերմություն է ստանում:

16

Ո՞ր ծովերն են միմյանց միացած նեղուցով.

- 1) Ադրիատիկ և Եգեյան
- 2) Կարիբյան և Բաֆինի
- 3) Ճապոնական և Արևելաչինական
- 4) Հյուսիսային և Նորվեգական

17

Գործող հրաբուխներ են.

- 1) Ջոմոլունգման և Մոնբլանը
- 2) Կամերունը և Էտնան
- 3) Էլբրուսը և Կազբեկը
- 4) Կիլիմանջարոն և Վինսոնը

18


Ի՞նչն է պատճառը, որ Յանցզի գետը ձմռանը խիստ ծանծաղում է.

- 1) Ձմռանը գետի ավազանում շատ քիչ տեղումներ են թափվում:
- 2) Ձմռանը ուժեղ քամիների հետևանքով մեծանում է գոլորշացումը:
- 3) Այն սնող ստորերկրյա աղբյուրները սառչում են:
- 4) Բնակչությունը ոռոգման համար շատ ջուր է օգտագործում:

19

Քարտեզում Դ տառով n° օվկիանոսային հոսանքն է նշված.

- 1) Մուսսոնային
- 2) Հյուսիսատլանտյան
- 3) Կուրոսիո
- 4) Օյասիո



20

Քարտեզում Զ տառով n° գետն է նշված.

- 1) Լենա
- 2) Անգարա
- 3) Կոլիմա
- 4) Օբ

21

Ո՞ր պնդումն է ճիշտ.

- 1) Տարվա ընթացքում հասարակածի վրա կեսօրին Արեգակի բարձրությունը հորիզոնի նկատմամբ միշտ 90° է:
- 2) Հունիսի 22-ին Արեգակի դիրքը հորիզոնի նկատմամբ ամենաբարձրն է հյուսիսային բևեռային շրջագծի վրա:
- 3) Հս. լ. $25^\circ 30'$ -ի վրա տարվա ընթացքում կեսօրին Արեգակի բարձրությունը հորիզոնի նկատմամբ միշտ ցածր է 90° -ից:
- 4) Գիշերահավասարի ժամանակ՝ կեսօրին, Արեգակի բարձրությունը հորիզոնի նկատմամբ հարավային արևադարձի վրա 90° է:

22

Հյուսիսային Ամերիկայի վերաբերյալ ո՞ր պնդումն է սխալ.

- 1) Տաք և սառը օդային զանգվածների հանդիպման շրջաններում հաճախակի առաջանում են հզոր պտտահողմեր, որոնց այստեղ կոչում են տոռնադո:
- 2) Մայրցամաքում ամենաշատ տեղումները դիտվում են Մեծ ավազան սարահարթի գոգավորություններում:
- 3) Արևմտյան քամիները մայրցամաք են ներթափանցում Խաղաղ օվկիանոսից, սակայն հանդիպելով Կորդիլիերների արևմտյան լանջերին՝ իրենց խոնավության մեծ մասը թափում են այնտեղ:
- 4) Ատլանտյան օվկիանոսի Լաբրադորյան և Խաղաղ օվկիանոսի Կալիֆոռնիական սառը ծովային հոսանքները առափնյա շրջաններում առաջացնում են կլիմայի չորություն և օդի ջերմաստիճանի անկում:

23

Երևանի հեռավորությունը հյուսիսային բևեռային շրջագծից կլինի.

- 1) 3052,5 կմ
- 2) 3163,5 կմ
- 3) 2830,5 կմ
- 4) 2941,5 կմ


24

Իտալիայի վերաբերյալ ո՞ր պնդումն է սխալ.

- 1) Հյուսիսում տարածվում է Պադանի դաշտավայրը:
- 2) Կլիման մերձարևադարձային միջերկրածովային է:
- 3) Հարուստ է նավթի և բնական գազի պաշարներով:
- 4) Արևմտյան ափերը ողողում են Տիրենյան ծովի ջրերը:

25

Դիագրամում տրված է բնակչության սեռային կազմը (մլն մարդ): Ո՞ր տարածաշրջանին է համապատասխանում 2 թիվը.



- 1) Երևոյային
- 2) Հյուսիսային Ամերիկային
- 3) Ասիային
- 4) Օվկիանիային

26

Ժողովրդագրական անցման չորրորդ փուլին բնորոշ է բնական աճի կայունացումը: Այս փուլը համընկնում է.

- 1) երկրների զարգացման արդյունաբերական փուլին
- 2) երկրների զարգացման հետարդյունաբերական փուլին
- 3) մինչկապիտալիստական ժամանակաշրջանին
- 4) «Ժողովրդագրական պայթյունին»

27

Այս կամ այն տարածքում բնակավայրերի տեղաբաշխումը չի լինում.

- 1) համակենտրոնացված
- 2) շրջանաձև
- 3) համաչափ
- 4) գծային

28

Բնութագրումով որոշել պետությունը.

Կղզեխմբային պետություն է: Աշխարհում ամենամեծն է մահմեդականություն դավանողների թվով: Ո՞ր պետությունն է.

- 1) Սաուդյան Արաբիան
- 2) Ֆիլիպինները
- 3) Ճապոնիան
- 4) Ինդոնեզիան

29

2010 թ. ՀՀ բնակչության թիվը կազմել է 3,263 մլն մարդ: Ժամանել է 900 մարդ, մեկնել՝ 3300 մարդ: Միգրացիայի ինտենսիվությունը հավասար կլինի մոտ.

- 1) 0,07 %
- 2) 0,63 %
- 3) 0,13 %
- 4) 0,1 %

30

Զարգացած երկրների մեջ առանձին ենթախումբ են կազմում արևմտաեվրոպական հին արդյունաբերական երկրները: Դրանցից չեն.

- 1) Իսպանիան և Պորտուգալիան
- 2) Շվեյցարիան և Նորվեգիան
- 3) Ավստրիան և Բելգիան
- 4) Դանիան և Նիդերլանդները

31

Դեպի Սև ծով ելք չունի.

- 1) Բուլղարիան
- 2) Հունգարիան
- 3) Վրաստանը
- 4) Ռումինիան

32

Ո՞ր պնդումն է սխալ.

- 1) Հրաբխային շրջաններում կառուցվում են երկրաջերմային էլեկտրակայաններ:
- 2) Համաշխարհային բեռնափոխադրումներում ամենամեծ բաժինն ունի երկաթուղային տրանսպորտը:
- 3) Քիմիական արդյունաբերությունն ունի անսպառ հումքային բազա:
- 4) Գերմանիայում մեքենաշինությունը տնտեսության մասնագիտացման ճյուղ է:

33

«Պետություն — բնական ռեսուրսի հարուստ պաշար» գույգերից ընտրել ճիշտը.

- 1) Նորվեգիա — նավթ
- 2) Շվեդիա — երկրաջերմային էներգիա
- 3) Իսլանդիա — քարածուխ
- 4) Ֆինլանդիա — բնական գազ

34

Ո՞ր պնդումն է ճիշտ.

- 1) Ծանր գունավոր մետաղների ձուլման ձեռնարկությունները հիմնականում տեղաբաշխված են գիտական կենտրոնների մոտ:
- 2) Սև մետաղաձուլական ձեռնարկությունները տեղաբաշխվում են սպառման շրջանների մոտ:
- 3) Մետաղաձուլական ձեռնարկությունները բնապահպանական տեսակետից անվտանգ են:
- 4) Թեթև գունավոր մետաղների ձուլումն էներգատար արտադրություն է:

35

Ձիթատու տեխնիկական մշակաբույսեր են.

- 1) սոյան և արևածաղիկը
- 2) եգիպտացորենը և բրինձը
- 3) բամբակենին և ցորենը
- 4) կարտոֆիլը և ձիթապտուղը

36

Ո՞ր պնդումն է սխալ.

- 1) Օդային տրանսպորտը հիմնականում իրականացնում է բեռնափոխադրումներ:
- 2) Ցամաքային տրանսպորտը ներառում է երկաթուղային, ավտոմոբիլային, խողովակաշարային տեսակները:
- 3) Աշխարհի առևտրային նավատորմի առաջատարներ են Լիբերիան, Պանաման, Ճապոնիան և Հունաստանը:
- 4) Բեռնատար տրանսպորտի աշխատանքը բնութագրող ցուցանիշ է բեռնաշրջանառությունը:

37

Արդյունաբերության ճյուղերից որի՞ տեղաբաշխման գործում է մեծ կոռպերացման դերը.

- 1) քիմիական արդյունաբերության
- 2) սննդի արդյունաբերության
- 3) մետաղաձուլության
- 4) մեքենաշինության

38

Ո՞ր երկու պետությունները չեն սահմանակցում Գերմանիային.

- 1) Իտալիան և Հունգարիան
- 2) Շվեյցարիան և Չեխիան
- 3) Բելգիան և Դանիան
- 4) Լեհաստանը և Ավստրիան

39

«Նավահանգիստ — ծով» զույգերից ընտրել սխալը.

- 1) Ստամբուլ — Մարմարա
- 2) Վլադիվոստոկ — Օխոտի
- 3) Մարսել — Միջերկրական
- 4) Սանկտ Պետերբուրգ — Բալթիկ

40

Բնութագրումով որոշել պետությունը.

Աշխարհի հնագույն պետություններից է, արևելյան քաղաքակրթության օրրանը: Երկրի ազգային փոքրամասնություններից են մոնղոլները, ույղուրները, մանջուրները, տիբեթցիները: Քաղաքային բնակիչների բացարձակ թվով այս պետությունն աշխարհում գրավում է առաջին տեղը: Երկրի ներկայիս զարգացման գործում մեծ դեր է խաղացել ազատ տնտեսական գոտիների ստեղծումը: Ո՞րն է այդ պետությունը.

- 1) Չինաստանը
- 2) Հնդկաստանը
- 3) Ճապոնիան
- 4) Ինդոնեզիան

41

Արևելյան Եվրոպա տարածաշրջանի վերաբերյալ ո՞ր պնդումն է սխալ.

- 1) Տարածաշրջանի բերրի հողերը և ագրոկլիմայական պայմանները նպաստավոր են գյուղատնտեսության զարգացման համար:
- 2) Անասնապահության առաջատար ճյուղը ոչխարաբուծությունն է:
- 3) Էլեկտրաէներգետիկայի զերակշիռ մասն արտադրվում է ջերմաէլեկտրակայաններում:
- 4) Ռուսաստանում և Ուկրաինայում զարգացած է սև մետաղաձուլությունը:

42

Պարսիկներից հետո Իրանի խոշոր ազգություններն են.

- 1) ադրբեջանցիները և քրդերը
- 2) աջարները և արաբները
- 3) թուրքերը և հայերը
- 4) աֆղանները և վրացիները

43

Ո՞ր շաբթի լեռնագագաթներն ունեն 3500–4000 մ բարձրություն.

- 1) Քաջքար, Փոքր Մասիս, Աժդահակ
- 2) Սիփան, Սրմանց, Նեմրուշ
- 3) Արսիան, Սուկավետ, Նեմրուշ
- 4) Զիլո, Սավալան, Սիփան

44

«Գետ — հոսքի ավազան» գույգերից ընտրել ճիշտը.

- 1) Տիգրիս — Կարմիր ծով
- 2) Արաքս — Սև ծով
- 3) Ճորոխ — Կասպից ծով
- 4) Եփրատ — Պարսից ծոց

45

Ո՞ր պնդումն է ճիշտ.

- 1) Կարսի և Աշոցքի սարահարթերում օդի ջերմաստիճանը – 30°C–ից ցածր չի իջնում:
- 2) Հայկական լեռնաշխարհում արևմուտքից արևելք և հյուսիսից հարավ տեղումների քանակն ավելանում է:
- 3) Հայկական լեռնաշխարհում կլիմայական տարբերություններ առաջացնող ամենակարևոր գործոնը լեռնային բարդ ռելիեֆն է:
- 4) Միջնաշխարհում ձմեռը կարճատև է և սակավաձյուն:

46

Ո՞ր պնդումն է ճիշտ.

- 1) Կոտայքի և Ապարանի սարահարթերում տարածվում են աղուտ–ալկալի հողերը:
- 2) ՀՀ անտառային գոտու ցածրադիր տեղամասերում տիրապետում են լեռնային սևահողերը:
- 3) Շիրակի և Լոռվա դաշտերում տարածվում են լեռնային սևահողերը:
- 4) Արարատյան դաշտում առավելապես տարածված են լեռնաշագանակագույն հողերը:

47

Ընտրել «մարզ – էլեկտրակայան» համապատասխանությունների ճիշտ շարքը.

- | | |
|------------|-----------------|
| 1. Կոտայք | ա. Հայկական աէկ |
| 2. Արմավիր | բ. Շամբի |
| 3. Լոռի | գ. Գյումուշի դ. |
| 4. Սյունիք | դ. Ձորագետի |

- 1) 1–ա, 2–բ, 3–գ, 4–դ
- 2) 1–գ, 2–ա, 3–դ, 4–բ
- 3) 1–բ, 2–դ, 3–ա, 4–գ
- 4) 1–դ, 2–ա, 3–բ, 4–գ

48

Ո՞ր շարքում տրված արդյունաբերության բոլոր ճյուղերն են Սյունիքի մարզի համար առաջատար.

- 1) սև մետաղաձուլությունը, անտառային արդյունաբերությունը
- 2) քիմիական արդյունաբերությունը, շինանյութերի արդյունաբերությունը
- 3) գունավոր մետաղաձուլությունը, էլեկտրաէներգետիկան
- 4) հանքային ջրերի արտադրությունը, քիմիական արդյունաբերությունը

49

Վայոց ձորի մարզի վերաբերյալ ո՞ր պնդումն է ճիշտ.

- 1) Տարածքի բացարձակ բարձրությունների տարբերությունը փոքր է:
- 2) Արևելքից սահմանակից է Արարատի մարզին:
- 3) Սյունիքի մարզի հետ կապված է Որոտանի լեռնանցքով:
- 4) Մարզի տարածքում հայտնաբերվել են երկաթաքարի հարուստ հանքավայրեր:

50

Ո՞ր լեռնագագաթն է քարտեզում նշված Գ տառով.

- 1) Կարկտասար
- 2) Մուրղուզ
- 3) Չաթինլեռ
- 4) Քաշաթաղ



51

Ո՞ր քաղաքն է քարտեզում նշված Է տառով.

- 1) Սևան
- 2) Գավառ
- 3) Ճամբարակ
- 4) Մարտունի

52

Երևանի օդային ավազանը գերազանցապես աղտոտում է (են).

- 1) ավտոմոբիլային տրանսպորտը
- 2) ջերմաէլեկտրակայանները
- 3) քիմիական արդյունաբերությունը
- 4) գունավոր մետաղաձուլությունը

53

Տրված գույգերից որի՞ երկրներն են առավել հարուստ ջրաէներգետիկ ռեսուրսներով.

- 1) Գերմանիա և Ֆրանսիա
- 2) Նորվեգիա և Շվեդիա
- 3) Չեխիա և Լեհաստան
- 4) Իսպանիա և Իտալիա

54

Բնական ռեսուրս — վերականգնման հնարավորություն» գույգերից ընտրել ճիշտը.

- 1) երկրաջերմային ռեսուրս — անսպառ
- 2) հանքային ռեսուրս — սպառվող-վերականգնվող
- 3) կենսաբանական ռեսուրս — անսպառ
- 4) կլիմայական ռեսուրս — սպառվող-վերականգնվող

55

Բնական և մարդածին այն օբյեկտները, որոնք ունեն եզակիություն, պատմական կամ գեղարվեստական արժեք, գեղագիտական գրավչություն, առողջարարական-կազդուրիչ նշանակություն և կարող են օգտագործվել հանգստի ու զբոսաշրջության կազմակերպման համար, կոչվում են.

- 1) ռեկրեացիոն ռեսուրսներ
- 2) սպառվող-վերականգնվող ռեսուրսներ
- 3) գյուղատնտեսական հողահանդակներ
- 4) ագրոարդյունաբերական համալիրներ

56

Գրել այն հրաբուխների համարները, որոնք խաղաղօվկիանոսյան գեոսինկլինալի սահմաններում են.

- | | |
|-------------|-----------------------|
| 1) Կոտոպախի | 5) Կլյուչևսկայա սոպկա |
| 2) Վեզուվ | 6) Օրիսաբա |
| 3) Հեկլա | 7) Դեմավենդ |
| 4) Կամերուն | 8) Էտնա |

57

Գրել այն գետերի համարները, որոնք թափվում են Հնդկական օվկիանոս.

- | | |
|-------------|------------|
| 1) Նիգեր | 5) Մեկոնգ |
| 2) Սիրդարյա | 6) Զամբեզի |
| 3) Մուրեյ | 7) Տիգրիս |
| 4) Ինդոս | 8) Օրանժ |

58

Գրել այն ապարների համարները, որոնք ունեն փոխակերպային ծագում.

- | | |
|---------------|-----------|
| 1) գրանիտ | 5) մարմար |
| 2) խճաքար | 6) կավիճ |
| 3) կերակրի աղ | 7) տուֆ |
| 4) կվարց | 8) գնեյս |

59

Գրել այն երկրների համարները, որոնք թերակղզային են.

- | | |
|--------------------|--------------|
| 1) Իտալիա | 5) Նիգերիա |
| 2) Սաուդյան Արաբիա | 6) Բելգիա |
| 3) Արգենտինա | 7) Կոլումբիա |
| 4) Ճապոնիա | 8) Ֆրանսիա |

60

Գրել այն երկրների համարները, որոնք առաջատար են բամբակի արտադրությամբ.

- | | |
|--------------|-------------|
| 1) Ֆրանսիա | 5) Իրան |
| 2) Գերմանիա | 6) Վրաստան |
| 3) Կանադա | 7) Չինաստան |
| 4) Ռուսաստան | 8) Պակիստան |

61

Գրել այն բնակավայրերի համարները, որոնք Գեղարքունիքի մարզում չեն.

- | | |
|----------------|-------------|
| 1) Սոթք | 5) Հրազդան |
| 2) Բյուրեղավան | 6) Մարտունի |
| 3) Ճամբարակ | 7) Դիլիջան |
| 4) Սևան | 8) Վարդենիս |

62

Տրված պետությունները դասավորել բրնձի համախառն բերքի աճման կարգով.

- 1) Բանգլադեշ
- 2) Չինաստան
- 3) Ինդոնեզիա
- 4) Հնդկաստան

63

Հայկական լեռնաշխարհի տրված լեռնաշղթաների համարները դասավորել ըստ դրանցից սկիզբ առնող գետերի ակունքների՝ Արածանի, Արևմտյան Եփրատ, Արաքս.

- | | | |
|------------|-------------|-------------|
| 1) Ծաղկանց | 2) Բյուրակն | 3) Ծաղկավետ |
|------------|-------------|-------------|

(64-65). Երկրի բնակչության թիվը 18 մլն է, քաղաքային բնակչության թիվը՝ 13,5 մլն, մեկ տարվա ընթացքում ծնվածների թիվը՝ 450 000.

64

Որոշել ուրբանիզացման մակարդակը:

65

Որոշել ծնելիության գործակիցը (‰):

(66-67). Քաղաքում օրվա ընթացքում չափել են օդի ջերմաստիճանը և ստացել են -1° , -4° , -6° , -2° , $+7^{\circ}$, $+16^{\circ}$, $+10^{\circ}$, $+4^{\circ}$ ցուցանիշները.

66

Որոշել ջերմաստիճանի տատանման օրական լայնությունը (ամպլիտուդ):

67

Որոշել օդի օրական միջին ջերմաստիճանը:

68

Երկրում բրնձի համախառն բերքը կազմում է 840 000 g, իսկ զբաղեցրած ցանքատարածությունների մակերեսը՝ 24000 հա: Որքա՞ն է բրնձի միջին բերքատվությունը:

Բնական զոնաների վերաբերյալ տրված պնդումներից որո՞նք են ճիշտ, որո՞նք՝ սխալ.

- 1) Աֆրիկայում բացակայում է տափաստանների բնական զոնան:
- 2) Սևահողերը մեծ տարածում ունեն Ավստրալիայում:
- 3) Աշխարհագրական գոտին բնական զոնայի մի մասն է:
- 4) Բնական զոնաների հերթափոխը լեռներում կոչվում է վերընթաց գոտիականություն:
- 5) Բաոբաբը և շաճառը տարածված են հասարակածային մշտադալար, խոնավ անտառների բնական զոնայում:
- 6) Շյուդախոտը, փետրախոտը և երեքնուկը բնորոշ են տափաստանների բնական զոնային:

Աշխարհի բնակչության ազգային կազմի վերաբերյալ տրված պնդումներից որո՞նք են ճիշտ, որո՞նք՝ սխալ.

- 1) Այն երևույթը, երբ ամրապնդվում է ազգի լեզվական և մշակութային ընդհանրությունը, երբ ազգը դառնում է ավելի միասնական ու ամրակուռ, կոչվում է ազգերի միաձուլում:
- 2) Աշխարհում խոշորագույն լեզվաընտանիքը հնդեվրոպականն է:
- 3) Բնակչության ազգային և կրոնական կազմերի սահմանները մշտապես համընկնում են:
- 4) Բնակչության ազգային և լեզվական կազմերը աշխարհի առանձին տարածաշրջաններում չեն համընկնում:
- 5) Ազգի հատկանիշներից են լեզվի, հոգևոր մշակույթի և հոգեբանական խառնվածքի ընդհանրությունը:
- 6) Ազգն ունի ազգությանը բնորոշ հատկանիշներ, սակայն սոցիալ-տնտեսական զարգացման ավելի ցածր աստիճանի վրա է, քան ազգությունը: